

Headlines

- 1 डोडा जिले च चलै'रदे टाकरे च अजें तोड़ी मन्नेया जा'रदा ऐ जे 4 आतंकवादी मारे गेन। फौज दा इक कैप्टन शहीद।
- 2 राष्ट्रपति द्रौपदी मुर्मू होर स्वतंत्रता दिवस दी पूर्व संज्ञा अज्ज राष्ट्र गी संबोधित करडन। प्रधानमंत्री नरेंद्र मोदी कल ऐतिहासिक लाल किले थमां स्वतंत्रता दिवस समारोहें दी अगुवाई करडन।
- 3 नमीं दिल्ली च लगने आले 78में स्वतंत्रता दिवस समारोह च कोई 6 ज्हार विशेष परौहनें गी साद्दा दिता गेदा ऐ।
- 4 भारत दे जैव प्रौद्योगिकी क्षेत्र गी कुल संसारी सतह पर बढ़ावा देने लेई 12 कोलां 14 सितंबर तोड़ी दिल्ली च 'ग्लोबल बायो इंडिया-2024' दा सरिस्ता कीता जा'रदा ऐ।

<><><><><><>

Encounter

डोडा जिले दिएं उप्परलिएं प्हाड़िं च चलै रदे इक टाकरे च मन्नेया जा'रदा ऐ जे अजें तोड़ी 4 आतंकवादी मारे गेन। टाकरे च फौज दा इक कैप्टन बी शहीद होई गया ऐ। आकाशवाणी दे जम्मू संवाददाता एन. गुलशन रैना होरें जानकारी दिती ऐ कि जंदी रातीं छिड़े दे इस टाकरे च इक आम नागरिक बी जखमीं होए दा ऐ। डोडा जिले दे शिवगढ़-अस्सर आली पट्टी दे इलाके च आतंकवादिं दी मजूदगी बारै सूह थ्होने पर सुरक्षा बलें इलाके गी घेरिए तपाई अभियान शुरू कीता जिस दौरान भखे दे टाकरे च फौज दा इक नौजवान कैप्टन दीपक सिंह गंभीर तौरा पर घायल होई गे जिसी फौरी तौर पर सेना दे मिलिटरी अस्पताल मुंतकिल कीता गेआ जित्थे इलाज दौरान ओहू वीरगति गी प्राप्त होए। कैप्टन दीपक सिंह आपूं इस अभियान दी अगुवाई करे करदे हे। टाकरे आली थाहरै परा 4 पिट्टू बैग बरामद कीते गेन जिंदे पर बडा मता खून लग्गे दा हा जेडे मन्नेया जा'रदा ऐ जे मारे गेदे 4 आतंकवादिं दे होई सकदे ना। इलाके च एम.फोर कारबाइन बी बरामद होइयां ना। जानकारी मुजब आतंकवादिं गी अस्सर च इक दरेया कश घेरा पाई लैता गेदा ऐ ते रूकी-रूकिए गोलीबारी जारी ऐ। एहू आतंकवादी कन्ने लगदे उधमपुर जिले दे पत्नीटाँप इलाके कश जांगली इलाके थमां डोडा च दाखल होए हे।

<><><><><><>

Prez. Address

मुख्य कल अपना 78मां स्वतंत्रता दिवस मनाग। प्रधानमंत्री नरेंद्र मोदी दिल्ली दे लाल किले दी प्राचीर थ्वां राष्ट्रीय झंडा फैहराडन ते राष्ट्र गी संबोधित करंगन। स्वतंत्रता दिवस दी पूर्व संध्या पर राष्ट्रपति द्रौपदी मुर्मू होर राष्ट्र गी संबोधित करंगन। एहू संबोधन आकाशवाणी दे समूलचे नेटवर्क पर संज्ञा 7 बजे प्रसारित कीता जाग। आकाशवाणी दे क्षेत्रीय नेटवर्क पर रातीं साड्डे 9 बजे क्षेत्रीय भाषा च प्रसारित कीता।

<><><><><><>

PM-Partition

मुख्य अज्ज विभाजन विभिषिका स्मृति दिवस मना'रदा ऐ। इसी 1947 दी बंड दौरान विस्थापित ते पलायन करी चुके दे लोकें दे चेत्ते च मनाया जा'रदा ऐ। प्रधानमंत्री नरेंद्र मोदी होरें इक सोशल मीडिया पोस्ट राएं उनें अनगिनत लोकें गी चेता कीता जिनें बंड दी पीड़ गी झल्लेया। मोदी होरें आखेआ जे बंड करी प्रभावित मते सारे लोकें अपने जीवन दी परतिए शुरूआत कीती ते सफलता हासिल कीती। ओहू सारे लोक जिनें बंड दौरान अपनी जान गंवाई ते अपनी जडें थ्वां बक्ख होई गए, उंदे सम्मान च सरकार नै 14 अगस्त गी 2021 थ्वां हर बरे विभाजन विभिषिका दिवस मनाने दा फैसला कीता हा।

<><><><><><>

Prez. Amrit Adyan

राष्ट्रपति द्रौपदी मुर्मू होंरें राष्ट्रपति भवन च अमृत उद्यान दा उद्घाटन कीता। आम लोकें आस्तै इसी शुक्रवार थ्वां खोलेया जाग ते लोक 15 सितंबर तगर अमृत उद्यान दिक्खी सकदे न। इसी दिक्खने आस्तै 29 अगस्त गी राष्ट्रीय खेडू दिवस दे मौके पर खडारिणं गी साहा दित्ता गेआ ऐ। बच्चें गी अमृत उद्यान दी भावना कन्नै जोड़ने आस्तै स्कूली बच्चें गी बटन बैज दित्ते जाडन। इक नमीं आकर्षक साउंड पाइप प्रदर्शनी बी लाई गई ऐ जेदे कन्नै बच्चें गी इक नमां अनुभव हासिल होग। उत्थे औने आलें गी पर्यावरण अनुकूल स्मृति चिन्ह बी भेंट कीते जाडन।

<><><><><><>

Shah-HGT

केंद्रीय गृह मंत्री अमित शाह होंरें अज्ज हर घर तिरंगा अभियान तैहत नमीं दिल्ली स्थित अपने घरें पर तिरंगा फैहराया। सोशल मीडिया दी अपनी इक पोस्ट च शाह होंरें आखेआ जे तिरंगा एकता, वफादारी ते मान दा प्रतीक ऐ। उनें आखेआ जे अपने घरें पर तिरंगा फैहराइए ओहू मुख् दी आजादी लेई दित्ते गेदे बलिदान गी चेत्ता करा रदे न। नागरिकें च देशभक्ति दी भावना गी जगाने आस्तै एहू अभियान 9 थ्वां 15 अगस्त तगर पूरे मुख् च मनाया जा'रदा ऐ। सरकार नै लोकें थ्वां आग्रह कीता ऐ जे ओहू अपने घरें पर तिरंगा फैहरान ते तिरंगे कन्नै इक सेल्फी लेइए उसी तिरंगा वेबसाइट पर अपलोड करन।

<><><><><><>

Panchayat-Workshop

पंचैतें च महिलाएं दे नेतृत्व पर राष्ट्रीय कार्यशाला दा नमीं दिल्ली च सरिस्ता कीता जा'रदा ऐ। एहूदे च मुख् भरै थ्वां 160 थ्वां मतियां पंचैतें हिस्सा लै'रदियां न। पुदुचेरी दी साबका उपराज्यपाल किरण बेदी होंरें कार्यशाला गी संबोधित कीता। उनें जमीनी सतह पर पंचैत दे बक्ख-बक्ख मुद्दें दा जिक्र कीता ते प्रतिनिधिं गी उंदे हल बी दस्से।

<><><><><><>

Chhari-Mubarakh

श्री अमरनाथ जी दी सलाना यात्रा हून अपने समापन बक्खी अगड़े बधै करदी ऐ। अज्ज शिवें दी पवित्र छड़ी मबारक बडुलै श्रीनगर स्थित दशनामी अखाड़ा मंदर थमां रवाना होई। छड़भू मबारक रवाना होने कोला पैहले उत्थे पूजा अर्चना कीती गई। छड़भू मबारक दे संरक्षक महंत दीपेंद्र गिरी होंरें जानकारी दित्ती ऐ जे अज्ज संझा पैहलगाम पुज्जने दे बाद रातीं उत्थे बसां होग ते कल बडुलै चंदनवाड़ी, शेषनाग ते पंचतरणी इनें त्रौनें थाहरें पर इक-इक रात दा बसां कीता जाग। पवित्र छड़ी 19 मार्च रक्खड़ पुन्नेया आले रोज पवित्र गुफा च पुज्जोग जेदे कन्नै गै इस बरे दी अमरनाथें दी यात्रा सम्पन्न होई जाग।

<><><><><><>

ID-Special-Guset

सरकार नै कल नमीं दिल्ली च लाल किले पर आयोजित होने आले 78में स्वतंत्रता दिवस समारोह च शामिल होने लेई मुख् भरै थमां कोई 6 जहार विशेष परौहनें गी साहा दित्ता गेदा ऐ। इंदे च 24 बक्ख-बक्ख श्रेणिं दे लोक शामिल न। प्रधानमंत्री किसान सम्मान निधि स्कीम दे लाभार्थी 250 करसानें गी चेचे परौहने दे रूपै च साहा दित्ता गेदा ऐ। एहू विशेष परौहने उनें लक्खें करसानें दी नुमायंदगी करदे न जिंदे जीवनै च सरकार दी सिद्दी माली सहायता कन्ने सकारात्मक बदलाव आया ऐ। प्रधानमंत्री फसल बीमा योजना दे 250 लाभार्थी करसानें गी बी चेचे तौरा पर साहा दित्ता गेदा ऐ। उंदे कन्ने करसान उत्पादक संगठनें दे कुल 500 सदस्यें गी बी आजादी दे ध्याड़े दे इक कार्यक्रम लेई सद्देया गया ऐ। इंदे अलावा ग्रामीण ते पछड़े इलाकें च बुनियादी सेहत सेवा उपलब्ध करने च सहायक 150 मान्यता हासल समाजी सेहत आशा कार्जकर्ता यानि आशा वर्कर ते ए.एन.एम वर्कर बी इस समारोह दा हिस्सा बनडन। इंदे अलावा 150 लक्ख पति दीदीयां ते 150 ड्रोन दीदीयां बी इस

कार्यक्रम च शामिल होने जा'रदियां ना। कल्लै दे इस कार्यक्रम च एकलव्य मॉडल रिहायशी स्कूलें दे डेढ सौ विद्यार्थी, 100 जनजातीय कलाकार ते वन धन विकास केंद्र दे सदस्य, आंगनवाड़ी, सखी केंद्र, महिला सशक्तिकरण लेई कम्म करने आले संकल्प हब ते बाल कल्याण समिति दियां 300 महिलां कार्जकर्ता मेरी माटी मेरा देश दे तैहत एनएसएस दे 400 स्वयंसेवी ते मेरा भारत योजना दे 200 लाभार्थी बी एहदे च शिरकत करडन। विशेष महमान दे तौरा पर पेरिस ओलंपिक्स 2024 दे कोई डेढ सौ खडारिएं गी साहा दित्ता गेदा ऐ। इंदे अलावा अकांक्षी ब्लाक कार्यक्रम दे तैहत हर ब्लाक दी नुमायंदगी करने आले इक जहार सदस्यें, नमियां काहडां कडुने आले 200 लोक ते अटल इन्नोवेशन मिशन दे विद्यार्थिएं ते पीएम श्री योजना दे 200 विद्यार्थिएं गी बी इस कार्यक्रम च शामिल होने दा साहा दित्ता गेदा ऐ।

<><><><><><>

Jitendra-Global Bio India

भारत दे जैव प्रौद्योगिकी क्षेत्र गी वैश्विक सतह पर बढ़ावा देने आस्तै ग्लोबल बायो इंडिया 2024 कार्यक्रम 12 सोयां 14 सितंबर तगर नमीं दिल्ली च आयोजित कीता जाग। एहदा विशेसार ऐ नमियां काहडें लेई साजगार माहौल ते जैव विनिर्माण। एहदे च 30 थवां मते मुल्लें दे 5 थवां बहू प्रतिनिधि 1 जहार स्टार्टअप ते 500 प्रदर्शक हिस्सा लैडन। संवाददाता सम्मेलन गी संबोधित करदे होई साईस ते टेक्नोलाजी मंत्री डॉ. जतिंद्र सिंह होरें आखेआ जे एहू कार्यक्रम वैश्विक सतह पर भारत दे जैव प्रौद्योगिकी क्षेत्र गी उजागर करोग। डॉ. जतिंद्र सिंह होरें आखेआ जे भारत दी जैव अर्थ बवस्था 2030 तगर 300 बिलियन डॉलर तगर पुज्जने लेई तैयार ऐ।

<><><><><><>

Galantry-Award

स्वतंत्रता दिवस दे मौके पर पुलस, अगग स्थालने आले होम गार्ड ते नागरिक सुरक्षा ते सुधार कम्में कन्नै जुडे दे इक्क जहार 37 कर्मियें गी वीरता ते सेवा पदक लेई चुनेया गेआ ऐ। विशिष्ट ते टकोहदी सेवा आस्तै राष्ट्रपति पदक ते सराहनीय सेवा दा तगमा समर्पण ते पूरी निष्ठा कन्नै अपनी ड्यूटी निभाने आस्तै दित्ता जंदा ऐ। गृह मंत्रालय नै आखेआ ऐ जे 213 कर्मिएं दा चुनांस वीरता पदक लेई कीता गेदा ऐ। विशिष्ट सेवा आस्तै 94 राष्ट्रपति पदक दित्ते जा'रदे न जिंदे च 75 पुलस सेवा आस्तै, 8 अगग स्थालने आलें गी, 8 नागरिक सुरक्षा ते होम गार्ड गी ते 3 सुधार कम्में आस्तै न।

<><><><><><>

EPSKN-Reasi

रियासी दे जिला प्रशासन आस्सेया शहीदें गी श्रद्धाजलि भेंट करने लेई 'एक पेड़ शहीदों के नाम' तैहत बूहटे लाने आली मुहिम दी शुरूआत कीती गेई। एहदी शुरूआत रियासी दे डिप्टी कमिशनर विशेष महाजन होरें कीती। इस मौके शहीदें दे परौआर आलें सिविल प्रशासन दे अफसर ते होर दुए लोक मौजूद हे। इस मौके पर बोलदे होई डिप्टी कमिशनर होरें आखेआ।

<><><><><><>

Tiranga-Rally Kishtwar

किशतवाड़ जिला प्रशासन आस्सेया आयोजित ऐतिहासिक तिरंगा रैली च 10 जहार कोलां मते लोकें हिस्सा लैता जिंदे च स्कूली बच्चे ते मकामी बसनीक शामिल हे। रैली च शामिल लोकें अंदर बड़ा मता जोश ते उत्साह दिक्खने गी लब्बा। रैली दी अगुवाई जिला विकास कमिशनर डॉ. देवांश यादव ते एसएसपी किशतवाड़ अब्दुल कयूम होरें कीती। उंदे अलावा बक्ख-बक्ख मैहकमें दे मलाजम बी बड़ी बहू गिनतरी च इस रैली च शामिल होए। इस मौके पर बोलदे होई जिला विकास कमिशनर देवांश यादव होरें आखेआ।